

davon ein jare von czehen gulden einen, als hirnach geschr(ieben) in der schrift von den cinsen. Actum anno domini M^o CCCC quinto feria secunda ante octavas epiphantie Domini.

a) am rechten Rand, Einfügestelle gekennzeichnet, ersetzt durchgestrichenes unleserliche Zahl b) am rechten Rand, Einfügestelle gekennzeichnet, ersetzt durchgestrichenes funfczig

212.

1405 Januar 17

Vereinbarung über das Malen einer Tafel für das Dominikanerkloster in Plauen.

fol. 30r ^(a)Wisset das vor uns sint komen in unsern rath^{b)} herre Jacoff, der terminer von Plauwen, und Jacoff Maler unde der selbe Jacoff Maler hat vor uns bekant, daz ym ir Jacoff egnanter vorgeantes vordinget habe, eynen tafell mit pilden czu machen, vor funfczig schog gr. Doran an der arbeit habe ym er Jacoff ggebin 12 schog gr. Dy taffell schol geschickt syn mit aller irer fassunge in der formen, alz dy tafell in unser pharre kirchen^{c)} der himelkoniginne Marie. Sunder unden under der taffell schol er eynen sarch machen mit brustbilden, alz in senthe Katherinen kirchen in dem kore uff dem altar dy tafell undir ir hat. Ouch schol er ym keyne phenninge vort me gebin, er habe denne dy 12 schog daran vorarbeyt, waz er denne bilde doran bereit habe, dy schol er mit ir Jacoffs rat von ym thun und gebin, dy sulle denn er Jacoff gewaget syn und nicht der maler, dornach schol ym er Jacoff mere phenninge czu der arbeit gebin und dy taffel schol kreidin bereit alz von deme nechsten sente Michels, der schirst czukumftig wirt, ubir ein jar und waz der maler an der tafelln gerôtes, wy daz namen hat, by ym hat, daz czu der tafeln gehoret, daz schol der maler wagen und,^{d)} ab schade doran geschee, der schol dem maler syn gescheen. Gebe er aber daz von ym mit ir Jacoffs rat, so^{e)} blibe er des ane wandel unde ab ir Jacoff abe sturbe, so schol der maler ^(f)der maler^{f)} dem closter czu Plauwen halden dy arbeit, alz vor geschr(ieben) stet. Actum M CCCC quinto sabbato ante Sebastiani martiris.

a) alles durchgestrichen b) am rechten Rand, Einfügestelle gekennzeichnet c) folgt durchgestrichen unser d) folgt durchgestrichen ym e) folgt durchgestrichen blyd f-f) Wiederholung im Original

213.

1405 Januar 31

Peter Fischer verpfündet seine Haus und Garten.

fol. 30v Wisset das Peter Fysscher ist vor uns komen in unsern vollen rath und hat mit guten willin Peter Stormen gesaczt und uffgelazin syn hus unde synen garten, gelegen vor unser frauwen thor, czu phande vor 20^{a)} schog gr. Daz